

Q. D. B.

N O V I

P R O R E C T O R A T V S

A V S P I C I A

DIE VII FEBRVARII ANNO MDCCCXXIX

RITE CAPIENDA

C I V I B V S

INDICIT

A C A D E M I A I E N E N S I S.



---

LVD OV. CASPAR. VALCKENARIJ

SCHOLA

DE

DIIS GRAECORVM.

---

I E N A E

P R O S T A T I N L I B R A R I A B R A N I A N A.

1629



W. A. 1791

1791

PHOTOGRAPH

ALVA S. P. C. I. A.

THE FIRST PART OF THE

ALVA S. P. C. I. A.

ALVA S. P. C. I. A.

INDICIA

ALVA S. P. C. I. A.



ALVA S. P. C. I. A.

ALVA S. P. C. I. A.

ALVA S. P. C. I. A.

ALVA S. P. C. I. A.

ALVA S. P. C. I. A.



# DEI GRATIA CAROLVS FRIDERICVS

MAGNVS DVX SAXONIAE VIMARIENSIVM ATQVE ISENACENSIVM PRINCEPS  
LANDGRAVIVS THVRINGIAE MARCHIO MISNIAE PRINCIPALIS DIGNITATIS  
COMES HENNEBERGAE DYNASTA BLANKENHAYNII NEOSTADII  
AC TAVTENBVRGI REL.

RECTOR ACADEMIAE MAGNIFICENTISSIMVS

s. d.

## CIVIBVS.

---

In Iurisconsultorum Ordine, ad quem Prorektoratus vices redierunt, hunc magistratum, Patribus auctoribus, suscepit vir doctissimus,

CAROLVS GVILIELMVS WALCHIVS

I. V. Doctor et Profeffor P. O.

qui qua fide et diligentia ante hos sex annos academiam rexit, eadem rebus vestris iterum prospiciet, Commilitones. A vobis autem eandem, quam illo tempore cives academiae ipsi praestiterunt, obedientiam et pietatem iure suo exspectat. Hunc suum animum vobis ipse aperiet oratione, quam crastino die auspiciaturus munus in acroaterio publico habebit: ad quam audiendam convenite frequentes, et hoc primum studii et amoris vestri pignus novo Prorectori inter optima vota exhibete.

P. P. in academia Ienenfi, die VI Februarii, anno a Chr. n. MDCCCXXIX.

---



# LVDOV. CASPAR. VALCKENARII

SCHOLA \*)

DE

DIIS GRAECORVM.

Nulla gens, inquit Seneca in epist. 117, usquam est adeo extra leges moresque proiecta, ut non aliquos deos credat: ac iure meritoque Artemidorus Oneirocrit. lib. I. c. 8 inter illa, quae apud omnes gentes sint recepta, hoc primum ponit, θεὸς σέβεσθαι καὶ τιμᾶν, verissime addens, οὐδὲν γὰρ ἔθνος ἀνθρώπων ἄθεον, ἄλλοι δὲ ἄλλως τιμᾶσι θεούς h. e. nulla est hominum natio, quae deos non agnoscat, sed diversae gentes suo quaeque modo deorum cultum instituerunt. Quod usque adeo verum esse videtur, ut, quicquid de gentibus atheis a veteribus aut recentioribus fuerit proditum memoriae, de moribus istarum gentium barbaris et feris ac vita profligata atque adeo de divini cultus neglectu intelligendum esse videatur. Sed atheismi suspicio Graeciae certe populos numquam tetigit, quos ab antiquissima hominum memoria constat fuisse δεισιδαιμονεστέρους: quales sui aevi Athenienses Paulus dicebat apostolus in oratione, quam Athenis habuit, a Luca nobis conservata in Actis XVII, 22.

\*) Haec quidem quo anno habita sit ab immortalis memoriae viro, non satis constat. Ex locis quibusdam libri manu scripti, qui penes me est, patet, chartis haec mandata esse, postquam egregius ille in Adoniazulas commentarius iam prodisset. Ad hunc enim passim provocat, etiam in iudicio de auctore Ὀλυμπιάδων ἀναγραφής, quem librum Scaligero primum se putat recte vindicasse. Quam sententiam tametsi etiam Wolfius et alii tuebantur, ab ea tamen discedendum esse Schoellius nuper persuasit, *Histoire de la littérature Grecque* VI. p. 333. Sed haec obiter. De ipsa schola, quam nunc edimus, iudicium sit penes eruditos. Qui si in ea magnam illam et admirabilem eruditionem desideraverint, quam Valckenarius in scriptis expromere solebat, suisque ipsum viribus in gratiam auditorum pepercisse deprehenderint: sobriam tamen de diis Graecorum explicandi rationem probabunt, alienam a mysticis somniis symbolicisque deliramentis, quae, dum Batavia veram et masculam eruditionem, cum animi candore coniunctam, tenebit, non poterunt ibi amatores et praecones nancisci. Denique de monotheismo vetustissimorum Graecorum quae vir summus disseruit, in iis nec primus nec solus erravit. Eadem, ut alios taceam, sententia fuit Bellami, Britannii, cuius de libro, in nostram quoque linguam converſo, expositum est in Ephemerid. litt. Ienensibus a. 1816. No. 203.



Sed nunc non dicetur de deorum nominibus et epithetis, quae facile per aliquot menses detinere possint solius Lillii Gyraldi vestigia persequentem, qui opus insigne, in septemdecim syntagmata distributum, conscripsit de Diis gentium. Agetur hic in genere de religione et diis Graecorum; quaeque huc spectant, non inutilia scitu, sex sectionibus ita pertractari poterunt, ut capite primo de origine Graecae religionis, secundo de prisca religione Graecorum, tertio de deorum distinctis ordinibus, quarto de diis duodecim, quos μεγάλους vocabant, quinto de epithetis deorum, sexto de hominibus in deos relatis exponatur.

I.

*De origine Graecae religionis.*

Antiquissimam Graecorum religionem, deorum duodecim nomina, ritus et cerimonias sacras plerasque Aegyptiis suam debere originem, et ex Aegypto in Graeciam fuisse delata, et iam ante et post Cecropem atque antiquissimos Argivorum reges, Inachum, Phoroneum, Danaum, longe videtur veri simillimum. Satis erit hanc in rem unius Herodoti verba protulisse ex lib. II. c. 4: δωδεκα θεῶν ἐπωνυμίας ἔλεγον sacerdotes Aegyptii πρώτους Αἰγυπτίους νομίσαι, καὶ Ἑλλήνας παρὰ σφέων ἀναλαβεῖν, βωμούς τε καὶ ἀγάλματα καὶ νηοὺς θεοῖσι ἀπονείμει σφέας πρώτους. Plura hanc in rem loca reperiri possunt apud Spencerum de legibus Hebraeorum. Quasculunque autem sacras cerimonias in Atticam primus introduxerit Cecrops, illas omnes Aegyptiis esse acceptas referendas, si quidem is fuerit Aegyptius, ea de re luculentum est Eusebii testimonium Praeparat. Evangel. lib. X, c. 9. p. 486: πρῶτος Κέκροψ λέγεται Ζῆνα κεκλημέναι τὸν θεόν, μὴ πρότερον οὕτω παρ' ἀνθρώποις ὀνομασμένον, ἔπειτα βωμὸν παρ' Ἀθηναίοις ἰδρύσαι πρῶτος, καὶ πάλιν πρῶτος Ἀθηνᾶς ἄγαλμα συστήσασθαι. Quae pene Latine convertit Isidorus Origg. l. VIII, c. 11: Cecrops primus omnium Iovem appellavit, simulacra reperit, aras statuit, victimas immolavit, nequaquam antea istiusmodi rebus in Graecia visis. Sed utrum primus deum summum Ζῆνα vocaverit Cecrops, an vero Iovem primus vocaverit ὕπατον, quod Pausanias tradidit p. 600, ad nostrum institutum parum refert. Quando vero Graeci veteres partem rituum sacrorum religionisque a Thracibus accepisse dicuntur, id eodem ferme recidit. Thraces enim magnam partem origine fuerunt Aegyptii, quod ex reliquiis ipsorum linguae luculenter fuit ab hominibus eruditis ostensum. Athenienses



autem imprimis plurimas a Thracibus accepisse sacrorum cerimonias, et aliunde constat, et ex iis, quae de sacris traduntur Eleusiniis. Festum Athenienses celebrabant aequè ac Thraces *βενδίδεια* dictum, cuius mentionem facit Plato lib. I de Republ. p. 327 et 334. Celebrabatur illud festum in honorem Dianae, quam deam Thraces Bendin vocabant. Hesychius, *Βένδης*, inquit, ἡ Ἀρτεμις Θρακιστί, παρὰ δὲ Ἀθηναίοις ἐορτὴ βενδίδεια. Flexu nominis paullum mutato, Palaephatus de Incredilib. c. 32, καλοῦσιν, ait, τὴν Ἀρτεμιν Θραῖνες βένδειαν, ubi erudita est Galei annotatio. Quod autem Grammatici propterea vocem *θρησκεία*, quae religionem significat, de Thracum nomine censet esse derivandam, id nullo modo probari potest. Significat illa vox cultum superstitionemque, et ex origine murmur sacrum. Antequam enim littera *η* erat recepta, scribebatur *θρεσκός* id a verbo fluxit *θρέσκω*, quod formatur secundum leges usitatas a *θρέω*, sanctum murmur edo.

## II.

*De prisca Graecorum religione.*

Credibile videtur, antiquissimos Graecos unum duntaxat deum coluisse, huius universi conditorem. Quid enim aliud a Iapheti posteris exspectari poterat? Si quos populi Orientales minores deos agnoverunt, deum certe summum unicum duntaxat statuere. Sic veteres certe Persae; et nihil de deo magnificentius dici potest illis, quae ex scriptis Zoroastris Magi exhibet Philo Byblius ap. Eusebium in Praeparat. Evangel. I, 10. p. 42. De gente Aegyptiorum antiquissima testis est Plutarchus in libro de Iside et Osiride To. II. p. 308, Thebaidos incolas deum coluisse ὃν καλοῦσιν αὐτοὶ Κνήφ, ἀγέννητον ὄντα καὶ ἀθάνατον. Illum Cneph statuebant esse huius universi opificem, τὸν δημιουργόν, id quod tradit Porphyrius ap. Eusebium Praeparat. Evangel. I. III. c. 11. p. 115. Cneph autem in antiquissima Aegyptiorum lingua significabat τὸν ἀγαθόν, bonum, beneficium, per excellentiam sic dictum: quod erudite primus ostendit Iac. Cocherus, Bernensis, in dissertatione de etymo istius nominis, inserta Miscellaneis Observationibus. Veteres itaque isti Aegyptii eandem de deo ideam habuerunt, quam habuit inter Graecos philosophos Socrates: qui quem adorabat deum, passim vocare solebat τὸ ἀγαθόν, bonum illud eximie sic dictum, velut ap. Platonem lib. II de Republ. p. 377.



Sed omnia bene instituta lapsu temporis degenerare solent, et in cultu religioso facilis est ad superstitionem prolapsio. Certe vetus illa et simplex Aegyptiorum theologia postea temporis conversa fuit in turpissimam superstitionem, et dei unius idea quum passim esset in animis hominum obscurata, solem, lunam et reliqua astra divino cultu fuere prosequuti: quod de reliquis populis, praeter Hebraeos, vere testatur Eusebius Praepar. Evangel. I, 6; de Graecis antiquissimis disertus est locus Platonis in Cratylo p. 397. Et Macrobius Saturnal. lib. I. c. 23 explicans secundum suum systema Homeri locos Iliad. I, 423 sqq. *Θεὸς*, inquit, dicit sidera, stellas, ἀπὸ τοῦ *θεῖν*, h. e. *τρέχειν*, quod semper in cursu sunt. Atque inde veteres id nomen repetiisse censet etiam Simplicius in Epictet. c. 38. Eo alludit Menander in Excerptis Grotii p. 753

Ἥλις, σὲ γὰρ δεῖ προσκυνεῖν πρῶτον *θεῶν*,  
δι' ὃν *θεωρεῖν* ἐστὶ τοὺς ἄλλους *θεούς*.

Sed nomen *θεός*, ut alibi fuit monitum, probabiliter Aegyptiis originem suam debet. Quando autem paullo ante mentio fuit facta systematis Macrobi, sciendum est, Macrobiū in ea fuisse opinione, diversas virtutes solis nomina diis dedisse, sive appellationes deorum omnes ad solem esse referendas. Istud systema veterum explicuit et copiosissime illustravit G. I. Vossius in opere perduto de origine et progressu idololatriae lib. II. c. 12.

### III.

#### *De deorum ordinibus diversis.*

Tametsi magna fuerit apud Graecos vulgo culta deorum multitudo, sapientiores tamen inter eos unum semper deum agnoverunt, huius universi opificem et conditorem: sed et hi plerique summo isti et uni vero deo suos dederunt administratos, quibus in gubernando harum rerum universo uteretur. Hi itaque inferioris ordinis dii a vetustissimis theologis et poetis in tres potissimum classes pro diversis huius universi partibus fuerunt distributi; in caelestes, terrestres et inferos. Dii caelestes dicebantur οὐράνιοι, οὐρανῖνες, Ὀλύμπιοι sive etiam ἐπουράνιοι, terrestres ἐπίγειοι et ἐπιχθόνιοι, dii autem inferi χθόνιοι, ὑποχθόνιοι et καταχθόνιοι. Haec singula poetarum locis ut confirmentur, necesse non est.



## IV.

*De diis duodecim, quos magnos vocabant.*

Potentissimi dii caelestes Ὀλύμπιοι, five, ut passim ab Homero dicuntur, Ὀλύμπια δώματ' ἔχοντες, numero erant duodecim, et hi eximie dicebantur μεγάλοι θεοί, a Romanis dii consentes et genitales, h. e. dii geniti et naturales: quod Bentleius ostendit ad Horatii carmen faeculare v. 16. Graecis erant dii magni. Quamvis enim istius tituli honos cum aliis etiam diis omnium ordinum communicaretur, excellentissimo tamen modo convenire iudicabatur diis duodecim caelestibus. Iovem, Iunonem, Neptunum et Minervam Virgilius vocat numina magna deum, Aen. II, 623. Etiam magna Ceres audit Georg. I, 338. 39; ut et Callimacho μεγάλη θεός. Vid. Spanhem. in Callim. p. 722. Minerva, Ἀθηνᾶ, dicitur a Demofsthene μεγάλη p. 495, et ex Actis apost. Lucae novimus, Ephesiorum Dianam eximie ut μεγάλην fuisse celebratam. Iuppiter passim optimus maximus audit. Sed ut duodecim deorum magnorum nomina memoriae infigantur, vulgatissimum illud Ennii distichon proferendum est:

Iuno, Vesta, Ceres, Diana, Minerva, Venus, Mars,  
Mercurius, Iovi', Neptunus, Vulcanus, Apollo.

Graeci duodecim deorum nomina hoc ordine commemorant in scholiis ad Apollonium Rhod. II, 532: Εἰσὶ δὲ οἱ δώδεκα θεοὶ οὗτοι· Ζεὺς, Ἥρα, Ποσειδῶν, Διμήτηρ, Ἑρμῆς, Ἡφαιστος, Ἀπόλλων, Ἄρτεμις, Ἑστία, Ἄρης, Ἀφροδίτη, Ἀθηνᾶ. Duodecim deorum in veterrima Graecorum historia, quam fabularem vocant, iam occurrit mentio, et alibi, et apud Apollodorum Bibl. III. p. 192 et 193, ubi super Attica litigantibus Neptuno et Minerva, qui litem dirimerent Iuppiter iudices constituit θεοὺς τοὺς δώδεκα, et paullo post dicitur Neptunus, qui a Marte caedis reus agebatur, absolutus fuisse δικαζόντων τῶν δώδεκα θεῶν. Ex quibus locis illustrari poterit ex prima ad Corinthios epistola c. 5, v. 5, ubi Paulus, collegium duodecim apostolorum respiciens, vocat τοὺς δώδεκα, qui tamen isto tempore, absentibus Iuda et Thoma, tantum essent decem. Atque ita, si τοὺς δώδεκα θεοὺς Apollodorus deorum caelestium supremum concilium intelligit, quod passim apud poetas commemoratur, curia istius senatus caelestis domus erat optimi maximi Iovis. Ovid. Metam. I, 170:

Hac iter est Superis ad magni tecta Tonantis  
Regalemque domum.



Virgilius Aeneid. lib. X sic orditur:

Panditur interea domus omnipotentis Olympi,  
Conciliumque vocat divum pater atque hominum rex  
Sideream in sedem.

In ista curia sedentibus diis prospectus in hunc mundum patere credebatur in Atlantico, cui operi intermortuus est Plato. Haec in editionibus nostris ultima prostant: Deus deorum Iuppiter coegit deos omnes *εἰς τὴν τιμιωτάτην αὐτῶν οἰκῆσιν*, ἣ δὴ κατὰ μέσον παντὸς τοῦ κόσμου βεβηκυῖα, καθορᾷ πάντα, ὅσα γενέσεως μετείληψε. Non Athenis tantum, sed per totam Graeciam, ut et in Latio, praeter reliquos deos minores isti duodecim eximia religione colebantur. In urbe Attidis nobilissima, Olympiae, Hercules constituisse legitur *δώδεκα θεῶν ἀγάλματα*, teste Herodoro in scholiis ad Pind. Olymp. V, 10. Megaris, quae urbs erat Atticae proxima, statuae etiam conspiciebantur *τῶν δώδεκα θεῶν*, auctore Pausania in Atticis c. 40. Athenis autem Atticis in porticu Iovis Eleutherii, quae erat in ceramico intra murum posito, *τῷ ἔνδον*, ut dicit Hesychius, dii duodecim erant depicti, eodem docente Pausania. Vid. Io. Meurfii Ceramicus p. 13 et p. 50. In foro Athenis ara erat eisdem diis duodecim sacrata a Pisistrato, teste Thucydide VI, 54. Eiusdem arae meminerunt Herodotus, Lycurgus et Plutarchus. In Equitibus Aristophanis v. 235 pessimus nebulo, Cleo, iurat per duodecim deos:

οὐ τοι, μὰ τοὺς δώδεκα θεούς, χαιρήσεται  
ὁτιῇ 'πὶ τῷ δήμῳ ξυνώμνυτον πάλαι.

Quae forma loquendi, ab Herodoto etiam usurpata lib. III, c. 29, maximi mali designabat minas.

## V.

### *De epithetis deorum.*

Stulta haec erat Graecae plebis persuasio, deos suos delectari *πολυωνυμία*, nominum vel epithetorum multitudine. A vetustis itaque theologis sive poetis infinita illorum copia fuit conficta, quod facile unicuique constabit, qui hymnos tantum legerit, sub nominibus Orphei et Homeri vulgatos, et certe antiquissimos. De nominibus et cognominibus deorum consuli poterit Gyraldus. Hic enim, quae huc pertinent, satius erat praetermisisse, quandoquidem multo



potiora tractanda supersunt. Itaque sufficiet in genere quaedam observata dedisse.

Deorum cognomina in duas classes distinguere debent: quam in rem egregia monuit Pausanias lib. VII. p. 577. Sunt enim primum deorum nomina, sub quibus pro diversis Graeciae locis dii publice colebantur. Alterum genus solis poetis originem suam debet, a quibus scienter illud fuit excogitatum ad designandas partes, quas dii diversissimas in rebus huius universi administrandis obire credebantur. Quae pertinent ad primam classem, ipsam illa spectabant religionem, eiusque partem conficiebant. Sed epitheta quae dicuntur poetica erant duntaxat honorificae quaedam deorum appellationes, publicitus non receptae, quasque propterea, si usu veniebat, irridere Comicis licebat in scena. Hoc ut eo rectius intelligatur, unius Iovis spectemus de centenis pauca quaedam cognomina usitatiora. Homerus, ex cuius fonte poetae ceteri suos hortos irrigarunt, Iovem multis ornat epithetis. Dicitur poetae νεφεληγερέτης, ἀστεροπητής, ἀστραπτής, τερπικέραυνος, ἐρίδουπος, κελαιγεφύς, ὑψιβρεμέτης. Haec et horum similia epitheta nihil adeo pertinebant ad publicas religiones; et ridet poetas Luciani Timon, quod istis scurrilibus Iovis cognominibus uterentur, non in honorem Iovis, sed ad sustentandos versus suos, ne suis fulcris carentes collaberentur. Alia vero sunt Iovis cognomina, quorum, licet et haec usurpentur a poetis, longe diversa tamen erat ratio. Colebatur Iuppiter ex. gr. in variis urbibus Graeciae velut ξένιος, qui tueri credebatur hospitalitatis iura, apud Graecos sacratissima. Iuppiter autem ξένιος et ab aliis memoratur, et a Platone lib. V de legg. p. 729, et Virgilio Aen. I, 735.

*Iuppiter, hospitibus nam te dare iura loquuntur,* ubi recte Servius Graeci, inquit, τὸν ξένιον Δία appellant. Iuppiter Φράτριος, tribulis, eximie colebatur Athenis secundo die festi Apaturiorum. Suidas voc. ἀπατούρια secundo, inquit, die ἔθυσον Διὶ Φρατρίων καὶ Ἀθηνᾶ, tribules nempe, qui hoc festo die una epulari et hilares agere sueverant. Iuppiter familiarum praefes colebatur sub nomine ἐστιούχου et ἐφεστίου. Qui sodalitates inter se instituebant, Iovem venerabantur ἐταιρεῖον. Ista sodalitates potissimum locum habebant in insula Creta: in qua insula etiam ἐταιρεῖος Ζεὺς imprimis colebatur, uti auctor est Hesychius. Amicitiae praesidem Iovem Φίλιον invocabant; qui iurabant, Iovem ὅρκιον, iurisiurandi praesidem et periuria vindicantem. Sic filius Achillis, Pyrrhus, in Sophoclis Philoctete v. 1318

Ὅμως δὲ λέξω· Ζῆνα δ' ὅρκιον καλῶ.



Dicebatur idem ἐνόρκιος a Graecis, a Romanis *dius fidius*. Supplices, ἰκέται, venerabantur ἰκέσιον Iovem, cognati ὁμόγνιον. Quae paucis explicata sunt, persequitur scholiastes Euripidis ad Hec. v. 545 et Sophoclis ad Aiace[m] v. 492. Huius verba haec sunt: οἱ μὲν συνοικοῦντες, τὸν ἐφέστιον Δία προτείνουσιν, οἱ δὲ φίλοι, φίλιον, οἱ δὲ ἐν μιᾷ τάξει καταλεγόμενοι καὶ μιᾷ συμμορίᾳ, ἑταιρεῖον, οἱ δὲ ξένοι, ξένιον, οἱ δὲ ἐν ὅρκοις συμφωνίας ποιοῦντες, ὅρκιον, οἱ δὲ δεόμενοι, ἰκέσιον, οἱ δὲ ἀδελφοί, ὁμόγνιον. Insignis etiam hanc in rem locus est in oratione Dionis Chrysostomi p. 8. Sed imprimis videatur Hemsterhufius ad Lucian. p. 99. His autem epithetis Iuppiter fuit insignitus, quod erat pater hominum deorumque, ac prae reliquis diis rerum humanarum et imprimis humanae societatis curam gerere existimabatur. Prioris generis epitheta poetica pleraque omnia desumpta sunt ab effectis, quae in summo aere apparent. Auctor libelli de mundo, qui solet Aristoteli adscribi, p. 285, quum Iovem vocasset πολυώνυμον, recte addit: ἀστραπαῖος τε καὶ βρονταῖος, καὶ αἰθέριος, κεραυνίος τε καὶ ὑέτιος, ἀπὸ τῶν ὑετῶν καὶ κεραυνῶν. Appuleius, qui libellum istum magnam partem Latine vertit, fulgurator, inquit, et fulminator, et imbricitor, et ceraunator. Horum similiumque cognominum causa inde videtur repetenda, quod vetustissimi Graecorum theologi per Iovem nil aliud intellexerunt, quam ipsum aethera. Euripidis, in Anaxagorae physici schola eruditi, nobilis fertur ex incerto dramate sententia:

Ὅρα's τὸν ὑψοῦ τόνδ' ἄπειρον αἰθέρα,  
 Τὸν γῆν πέριξ ἔχοντ' ὑγρᾶῖς ἐν ἀγκάλαις,  
 Τοῦτον νόμιζε Ζῆνα, τόνδ' ἡγοῦ θεόν.

Ennius vertit:

*Adspice hoc sublime candens, quem vocant omnes Iovem.*

Quicquid itaque de aethere dici poterat, velut Iovis cognomina considerarunt; ceterum quicquid de reliquis diis ab Homero ceterisque poetis fuerat traditum, plurimi crediderunt esse involucra tantum, sub quibus physicae laterent virtutes, atque haec universa ex naturalium rerum effectis existimarunt explicanda, ea nonnumquam tradentes, quae speciem quamdam habent verisimilitudinis. Plurima hanc in rem ex Eustathii in Homerum commentariis possent depro-mi, si haec plenius cognosci cuperemus: satis erit legisse Heraclidis, vel Hera-cliti potius, allegorias Homericas, in Galei Opusculis mythologicis vulgatas.



## VI.

*De hominibus in deos relatis.*

De diis duodecim quando nihil adeo magni momenti proferri potest, quod non apud Gyraldum inveniatur, utilius videtur paullo accuratius dicere, quoniam Graecis δαίμονες et ἥρωες vocati sint, quum haec imprimis antiquitatis Graecae pars difficultatibus suis minime careat. Tametsi ἥρωες inferioris fuerint ordinis quam δαίμονες, de illis tamen, quoniam haec pars facilius videtur intellectu, primum dicetur, deinde inquiretur, quinam appellati fuerint δαίμονες.

Itaque ἥρωες sive *semidei* proprie dicebantur ex deo et muliere mortali prognati, sive omnino viri virtute praestantes. Si qui enim sive reges sive alii fortitudine aliisque virtutibus, praesertim virtute beneficentiae, dum in vivis erant, inclaruerant, hi post obitum a civibus suis velut heroes colebantur, iisque arae et sacella dedicabantur. Neque tamen his sacra eodem modo fiebant, quo diis superis, sed ritu diverso. Moris enim fuisse heroum sacra peragentibus spectare in occidentem, iam ab aliis fuit observatum. Praeterea sacra fiebant heroibus non in altari, quod ut a Latinis, sic et Graecis ab altitudine vocabatur βωμός, sed in craticula, quae terrae effossae imponebatur, eodem nomine dicta, quo dicebatur craticula in summo altari, cui victimae partes diis superis cremandae imponebantur. Ad altare deorum superiorum per gradus ascendebant; sed ara heroum, ἐσχάρα, solo erat aequalis. Hoc sensu capiendus est Hesychius de heroum ara, ubi ἐσχάρα, inquit, βωμὸς ἰσόπεδος, οὐκ ἐν λίθου ὑψούμενος· quam scripturam recte tuetur Abreschius in Miscell. Observatt. VII, 2. p. 297. Neanthes Cyzicenus ap. Ammonium p. 34: βωμοὺς θεῶν φησὶν, ἐσχάρας δ' ἡρώων· quod vulgo minus recte intelligitur. Tandem quum deorum superiorum templa ἱερὰ vocarentur et ναοί, sacella heroum ἡρώα dici solebant et σηκοί, propterea, ut probabile est, quod antiquitus deorum statucae sub dio sepimento quodam consecrabantur. De sacello herois et heroinae proprio usum vocem adhibuit Euripides in Ione v. 300 et in Bacchabus v. 11. Videtur eadem Porphyrio restituenda in libello de antro Nympharum: τοῖς μὲν Ὀλυμπίοις θεοῖς ναοὺς τε καὶ ἔδη καὶ βωμοὺς ἰδρύσαντο, χθονίοις δὲ καὶ ἥρωσι σηκοὺς καὶ ἐσχάρας, ὑποχθονίοις δὲ βόθρους καὶ μέγαλα. Vocabuli ἥρωσι ultima syllaba effecit, ut vox σηκοὺς e contextu exciderit. Comparari poterit Iac. Perizonius ad Aelian. To. I. p. 416. In isto Porphyrii loco inter deos superos et inferos medii ter-



reſtribus adiunguntur ἥρωες. In univerſum a diis ſuperis magna erant inter-  
 capedine ſeiuncti hi inferioris ordinis dii, ab hominibus in caelum relati. Sin-  
 gulis civitatibus in Graecia licebat praeſtanti virtute viros, poſt obitum ſo-  
 lemni ritu conſecratos, heroum ordinibus inſcribere; neque vero licebat eos-  
 dem diis adiungere ſuperis. Philippus tamen, rex Macedoniae, iſto honore non  
 contentus, duodecim diis ſuperis accedere tertius decimus deſiderabat, ſi vera  
 nobis narrat Diodorus Sic. lib. XVI. p. 506. Quam patris veſaniam imitatus  
 Alexander ἐπέſταλκε τοῖς Ἑλλήσι θεὸν αὐτὸν ψηφίſασθαι, h. e. per litteras per-  
 ſuaſit Graecis, ut publico decreto ſe deum declararent, teſte Aeliano V. H.  
 lib. II, c. 19. Ex cuius libro V cap. 52 diſcimus, Athenienſes Demadem ora-  
 torem centum talentis multaffe, ὅτι θνητὸν ὄντα τὸν Ἀλέξανδρον ἐνέγραψε τοῖς  
 Ὀλυμπίοις: in quem Aeliani locum legi poterunt quae annotavit Iac. Perizo-  
 nius. Heroes quinam fuerint antiquitus habiti, Cornutus nos docet (ſic enim  
 auctor vocandus eſt, non Phurnutus) de natura deorum c. 31. p. 221: Ἡρώας,  
 αἰτ, ἐκάλουν οἱ παλαιοὶ τοὺς ἀνδρείους τῷ σώματι καὶ ταῖς ψυχαῖς, καὶ κατὰ τοῦτο  
 τοῦ θεοῦ γένους μετέχουσιν δοκοῦντες. Variorum de heroibus ſententias ex perdi-  
 tis in Homerum vetuſtis commentariis luculenter exponit Euſtathius ad Hom.  
 Il. α, p. 13, ubi veteres heroas, inquit, vocabant γένος τι θεῖον, μέſον θεῶν καὶ  
 ἀνθρώπων, quos Heſiodus vocat ἡμιθέους, ſemideos (reſpicit Heſiodi Opp. et Dies  
 v. 160). Erant autem vel ex matre dea et patre mortali nati, qualis Achilles,  
 Pelei et Thetidis, deae marinae, filius, vel, vice converſa, quales fuere Hercu-  
 les, Caſtor et Pollux ſimilesque, et qualem Lycophro canit Hectora fuiſſe.  
 Alii veterum heroas vocant homines mortales, quos ob virtutum praeſtantiam  
 ſemideos eſſe cenſuerunt. Homerus tametſi quosvis homines ſtrenuos et bellica  
 virtute praeſtantes ἥρωας vocare paſſim conſueverat, uno tamen in loco me-  
 morat ἡμιθέων γένος ἀνδρῶν, Iliad. μ, 23, ubi Euſtathius p. 844 ſemideorum il-  
 lud genus interpretatur ἥρωας, quibus, inquit, nomen illud honorificum ob  
 virtutem fuit tributum, ſicut et aliis accidit, ut in deos referrentur διὰ ſοφίαν,  
 ἢ εὐρεſιν χρησίμου τινος, ἢ ἄλλο τι ἀγαθόν. Maximus Tyrius Diſſertat. 28 Ἑλλη-  
 νες, inquit, θύουσι καὶ ἀνθρώποις ἀγαθοῖς, καὶ τιμῶνται μὲν αὐτῶν αἱ ἀρεταί, ἀμνη-  
 μονοῦνται δὲ αἱ ſυμφοραί. Heroas eſſe animas defunctorum hominum, qui vitam  
 optime et virtutibus clari tranſegerunt, docet Plutarchus ſive Auctor de pla-  
 citis philoſoph. lib. I, c. 3. τοὺς δ' ἥρωας ψυχὰς κεχωριſμένους πῶν σωμάτων τὰς  
 μὲν ἀγαθὰς τῶν τὸν βίον διαγόντων ἀριſτὰ ἀνθρώπων. In eamdem ſententiam lo-  
 quitur Dio Chryſoſtomus Orat. III. p. 45. Tales autem heroes per Graeciam



longe plurimi colebantur, ita tamen, ut singulae gentes, singulae civitates suos habuerint, quos heroico cultu dignarentur, sive reges, seu alios, qui vel fortitudine, vel sapientia, vel quibuscumque tandem virtutibus hoc honoris fastigium post obitum videbantur meriti. Vt autem hac in parte constet, quam vere Paulus apostolus in Actis Lucae Athenienses dixerit *δεισιδαιμονεστέρους*, quot praeter deos illi coluerint heroas, utile erit paucis commemorare. Athenis in tholo prope curiam quinquaginta statuæ conspiciebantur quinquaginta heroum, quos *ἑπώνυμους* vocabant, a quibus Atheniensium tribus nomina sua acceperant, Hippothoontis, Antiochi, Aiakis Telamonii, Leonis, Erechthei, Aegei, Oenei, Acamantis, Cecropis et Pandionis: quod novimus ex Pausania lib. I. p. 12 sqq. Heroas propter defectum monumentorum minus cognitos Meursius recensuit in Athenis Atticis lib. III. c. 1 et 2. Regum suorum nonnullos tamquam heroas coluisse Athenienses exploratum est. Erichthonius, Amphictyonis in regno successor, propterea quod primus invenit quadrigarum usum, inter sidera fuit relatus. Qua de re legi possunt Eratosthenes in Catasterismis c. 13, Hyginus Astronom. l. II. c. 13 et Apollodorus Bibl. lib. III. p. 196. Rerum gestarum gloria clarissimum regem, Theseum, quem vivum contumeliose tractaverant Athenienses et tessularum suffragiis eiecerant Athenis, ut fuerant ab antiquissimis temporibus mutabiles et inconstantes, post obitum venerati sunt ut heroa, quin divis honoribus affecere. Nam praeter *ἡρώον*, sacellum, cuius mentio sit apud Pausaniam, Theseo templum quoque constituerunt, Theseum dictum. Hesychius: *Θησεῖον, νεὸς Θήσεως, ἐφ' ὃν οἱ ἀποδιδράσκοντες κατέφυγον*, h. e. in quod templum velut in asylum fugitivi servi se recipiebant. Festorum dierum, in memoriam Thesei institutorum, Aristophanes meminit in Pluto v. 627. Pariter Aegei, qui Pandioni successit, *ἡρώον* memoratur ab Harpocrate voc. *Αἰγεῖον*. Ultimus regum Atheniensium fuit Codrus, cui, quia mortem pro patria volens obierat, mortuo tribuerunt heroicos honores. Polyænus Strategem. lib. I, c. 18 *Κόδρω*, inquit, *τιμὰς ἀνεστήσαντο τῶν ἡρώων, ὅτι περ τοὺς πολέμιους ἐκουσίῳ θανάτῳ κατέστρατήγησεν*. Ex Atticis heroibus ceterarum Graeciae civitatum heroes aestimari poterunt, quorum longus posset ex uno Pausania contexi catalogus, nisi ea, quae dicta sunt, ad hanc partem intelligendam sufficere viderentur. Itaque, his missis, videamus potius, quosnam Graeci per *δαίμονας* intellexerint.

Apud Hellenistas quidem, h. e. Iudaeos Graece loquentes, in scriptis nostris sacris *δαίμονες* et *δαίμόνια* mali genii appellantur. Hac vero potestate vox



δαίμων apud scriptores veteres Graecos, qui illis N. T. scriptoribus sunt antiquiores, simpliciter posita nusquam reperietur, secus ac credidit Iac. Elsnerus in *Observatt. ad Matth. IX, 34*. Est tamen apud veteres multiplex et saepe incerta vocabuli significatio. Nam δαίμονες dicuntur vel ipsi dii superi, vel dii inferioris ordinis; saepe etiam δαίμων genium notat bonum, quales hominum singulorum in hac vita custodes esse arbitrabantur; saepe sortem, quae hominibus in hac vita obtingit. In Platonis scriptis δαίμονες inferiores sunt dii, medii inter θεοὺς et ἥρωας, velut in libro IV de Legg. p. 717, μετὰ θεοῦς, inquit, καὶ τοῖς δαίμοσιν ὅγ' ἔμφρων ὀργιάζοιτ' ἄν, ἥρωσι δὲ μετὰ τούτους. In Convivio Platonis To. III. p. 202 Diotima, mulier philosopha, τὸ δαιμόνιον dicit esse μεταξὺ θεοῦ τε καὶ θνητοῦ, ἐρμηνεύον καὶ διαπορθμεύον θεοῖς τὰ παρ' ἀνθρώπων, καὶ ἀνθρώποις τὰ παρὰ θεῶν, h. e. medium quoddam genus inter deum et hominem, quod interpretis et internuncii vice fungatur, resque divinas ad homines referat, humanas ad deos. In Socratis schola eruditus Plato deum summum unicum statuebat, infinitum et aeternum, huiusque universi opificem: quem in Politico, hausto ex Pythagorae fonte, p. 272 vocat τὸν τοῦ παντὸς κυβερνήτην, καὶ τὸν μέγιστον δαίμονα. Hunc summum deum sive Socrates seu Plato (nam sanctam Socratis philosophiam, mores potissimum spectantem, Plato suis additamentis contaminavit, ex Xenophontis Socraticis hauriendam) statuebat in hoc rerum universo gubernando diis uti inferioris ordinis, qui illic a Platone dicuntur οἱ συνάρχοντες τῷ μεγίστῳ δαίμονι θεοί. His succedebant δαίμονες, genii: tertium tandem ordinem constituebant ἥρωες. Apud Hesiodum boni genii δαίμονες vocantur: qua de re praeter Heinsum plura Graevius egregia notavit in *Lectt. Hesiodicis* cap. 4. Denique quum δαίμων etiam sortem significaret, quae hominibus in hac vita obtingit, haec vis significandi imprimis obtinet in compositis: quod luculenter ostendit Iac. Duportus in *Lectt. in Theophrastum* p. 452, qui ibidem agit de huius nominis et de nominis ἥρωες origine. Sed utriusque vocis origo antiquitatis caligine iacet involuta.





3 0112 105477407